



Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Explanatio ac pia meditatio in orationem Dominicam.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

bolie a dogmata introducetes, qua nec à Christo nec ab Apostolis tradita sunt. Hac omnia vt obedientes filij fugiant, p̄i patris ac Domini Dei sui vocem auscultabunt, & quid eis aut per semetipsum, aut sanctam & immaculatam suam Ecclesiam loquatur, operibus comprobabunt. Quod si fecerint, à prauorum hominum erroribus immunes se seruabunt.

PHARETRAE DIVINI AMORIS

Liber secundus, precationibus, exercitiis, variisque aspirationibus ad Deum, ad beatissimam virginem Mariam, ceterosque Sanctos refertissimus, separatim hactenus nunquam typis excusus. Quem librum, propter materiae diuersitatem, in partes quinque, vti & praecedentem, distribuimus.

Pharetræ diuini amoris libri secundæ pars prima, complectens in se explanationem meditationemq; breuem in orationem Dominicam, Salutationem Angelicam, & symbolum Apostolorum.

Explanatio ac pia meditatio in orationem Dominicam.



Pater noster) O clementissime Domine Deus meus, tu semper quæ patrem optimum & fidelissimum decent, erga me facis: ego vero non ago quæ digna sunt filio. Sum enim prodigus ille & profugus, qui substantiam, id est, vires animæ & corporis, & omnia tua dona consumpsi in peccatis. Veruntamen quia tanto tempore peccatis meis per misericordiam tuam, ô amantissime Pater, dissimulatis, per benignitatem sum sustentatus, beneficijs etiam infinitis ac inspirationibus tuis amorosis vocatus, audeo ad te reuerti clementissime Pater & dicere: Pater, peccavi in celum & coram te: iam non sum dignus vocari filius tuus: nolo tamen esse mercenarius, nolo esse seruilis seruus: sed opto esse aut filius, aut filialis seruus. O amantissime Pater quid nunc reliquum est, aut quid aliud peto, quid aliud expecto, quam vt inter paternos amplexus inter brachia suavissimæ misericordiæ tuæ suscipias & constringas me? Ecce venio, ecce curro ad te dulcissime Pater. Expande brachia tua amorosa ac paterna, & suscipe me licet indignum, licet vagum, tamen ad te reuertentem filium tuum, cognosce & recipe quem vocasti. Ecce venio ad te. Vtinam Deus meus, oh vtinam Deus meus, dignetur pietas tua supra pectus miserationum tuarum sibi attrahere, astringere & indissolubili nexu charitatis inauertibiliter sibi colligare. (*Qui es in celis.*) O clementissime Domine Deus, quem decet sanctitudo, vtinam cor meum purifices ab omni prinate ac terreno amore, & hoc iuxta cor tuum tibi placentissimum facias habitaculum, in quo te, sicut in coelo iugiter delecter manere.

(*Sanctificetur nomen tuum*) hoc est, adoretur, colatur, benedicatur ab vniuersa creatura Domine Deus meus: mihi confusio & ignominia, tibi soli honor & gloria.

Vtinam omnes cognoscant, venerentur & benedicant te. Sed & ego quoque gloriosissime Domine Deus meus, nihil habens nisi hoc corpus & hanc animam, offero tibi hæc, & quicquid sum aut possum, in tui laudem, gloriam & honorem. Atque vtinam des mihi, ut ex toto corde & intemis medullis animæ meæ te solum & gloriam tuam æstuanter sitiam, purè quæram, & intendam in omnibus quocumque se mouet anima mea. Hoc idem opto, amantissime pater, fieri in omnibus creaturis tuis, ut hoc velint, hoc agant & ita sint, quemadmodum tu nosti aut maximè vis, ad gloriã tuam sempiternam. (*Adueniat regnum tuum*) Sempiternè Deus, hoc age ut in nobis sit regnum tuum, nihil amodo remaneat quod tibi displiceat, tu solus nos omniatque nostra impleas, regas & possideas, tu solus nobis in omnibus placeas, tui amor ardētissimus atque perfectissimus nos totos absorbeat, ut sis nobis omnia in omnibus (*Fiat voluntas tua sicut in celo, & in terra*). Eia dulcissime & suavissime pater, hoc opto, hoc desidero, hoc precor, ut in me, & de me, & per me, atque in omnibus creaturis tuis, sanctissima voluntas tua fiat. Cesset ac pereat in nobis quicquid est propriū, ut tu solus tecum desideria nostra in te rapias, atque tibi vnias, nobisque idem velle & nolle omnia facias.

Panem nostrum quotidianum da nobis hodie. Pijsissime & clementissime pater tu scis quicquid nobis est necessarium, quicquid proficuum pro animæ & corporis salute. Ex te enim cuncta bona sperare habemus; à nobis verò nihil, nisi peccatum. Da ergo ut perfectè cognoscamus vilitatis nostræ conditionem & indigentiam, simulque charitatem & benignitatem tuam: & ut gratia tua semper nobis adsit, quæ nos illuminet, confortet, dirigat atque perficiat. (*Et dimitte nobis debita nostra*) Eia misericordissime Iesu, da nobis iuges lachrymas perfectissimæ contritionis & ignitæ charitatis, effunde etiam super nos vndant rosæam tui preciosissimi sanguinis, quibus à peccatis, à negligentijs, ab omnibus quoque debitis mundemur ac sanctificemur. (*Sicut & nos dimittimus debitoribus nostris*) Deus meus, misericordia mea, ego dimitto, & si quid minus dimitto, obsecro te per singulas guttas preciosi sanguinis tui, perque singulos gemitus & suspiria cordis tui, da mihi perfectissimam charitatem ad omnem proximum, & præcipue ad eos à quibus offendor: ut ex toto corde ignoscam, diligam, atque eos mitissima dulcedine cordis pariter ac beneficijs semper foueam. (*Et ne nos inducas in tentationem*) Illustra faciem tuam super seruos tuos, & confirma nos in gratia tua ut ambulemus inter omnes laqueos peccatorum ab omni peccato tuti ac mundi, & inter omnes infidias inimicorum securi, sitque nobis omnis tentatio ad victoriam, & nulla ad ruinam, (*Sed libera nos à malo*) culpæ & pœnæ. Libera nos ab omni quod à te diuidit nos, ab omnibus vitijs, & concupiscentijs, ut nullo malo obnoxij, & ab omni impedimento liberi, æstuantissimis desiderijs semper te sitiamus, ad te suspiremus, ad te curramus, & quæ infra te sunt fastidiamus, donec feliciter te perfruamur, Amen.

Explanatio ac pia meditatio in Salutationem Angelicam.

Ave ex Patris omnipotentia, ex Filij sapientia, ex Spiritus sancti clementia, & (*Maria*) cælum & terram illuminans (*gratia plena*) superfluens &, implet omnes te diligentes. (*Dominus tecum*) Patris vnigenitus, & virginei cordis tui natus vnicus, amicus & sponsus dulcissimus. (*Benedicta tu in mulieribus*) quæ Euz maledictionem abstulisti, & æternam nobis benedictionem reportasti. (*& benedictus fructus ventris tui*) creator Dominus, omnia implens, omnia benedicens, omnia sanctifi-